

B. N. C.
FIRENZE
1055
21

1055-21

SANCTISSIMI D. N. DOMINI

CLEMENTIS

Diuina Prouidentia

P A P Æ X I.

AI

Damnatio quamplurium Propositionum excerptarum ex Libro Gallico idiomate impresso, & in plures Tomos distributo, sub titulo -- *Le nouveau Testament en Francois, avec des reflexions morales sur chaque verset &c. A Paris 1699.*; Ac aliter -- *Abbrege de la morale de l'Euangile, des Actes des Apostres, des Epistres de S. Paul, des Epistres Canoniques, e de l'Apocalypse, ou Penrees Chretiennes sur le Texte de ces Liures Sacrez &c. A Paris 1693. & 1694.*

Cum prohibitione eiusdem Libri, & aliorum quorumcumque in eius defensionem tam haftenus editorum, quam in posterum edendorum.



ROMÆ, MDCCXIII.



Typis Reverendæ Cameræ Apostolicæ.

1. PROBATION DEPARTMENT
 2. NEW YORK CITY
 3. NEW YORK
 4. NEW YORK
 5. NEW YORK
 6. NEW YORK
 7. NEW YORK
 8. NEW YORK
 9. NEW YORK
 10. NEW YORK
 11. NEW YORK
 12. NEW YORK
 13. NEW YORK
 14. NEW YORK
 15. NEW YORK
 16. NEW YORK
 17. NEW YORK
 18. NEW YORK
 19. NEW YORK
 20. NEW YORK
 21. NEW YORK
 22. NEW YORK
 23. NEW YORK
 24. NEW YORK
 25. NEW YORK
 26. NEW YORK
 27. NEW YORK
 28. NEW YORK
 29. NEW YORK
 30. NEW YORK
 31. NEW YORK
 32. NEW YORK
 33. NEW YORK
 34. NEW YORK
 35. NEW YORK
 36. NEW YORK
 37. NEW YORK
 38. NEW YORK
 39. NEW YORK
 40. NEW YORK
 41. NEW YORK
 42. NEW YORK
 43. NEW YORK
 44. NEW YORK
 45. NEW YORK
 46. NEW YORK
 47. NEW YORK
 48. NEW YORK
 49. NEW YORK
 50. NEW YORK
 51. NEW YORK
 52. NEW YORK
 53. NEW YORK
 54. NEW YORK
 55. NEW YORK
 56. NEW YORK
 57. NEW YORK
 58. NEW YORK
 59. NEW YORK
 60. NEW YORK
 61. NEW YORK
 62. NEW YORK
 63. NEW YORK
 64. NEW YORK
 65. NEW YORK
 66. NEW YORK
 67. NEW YORK
 68. NEW YORK
 69. NEW YORK
 70. NEW YORK
 71. NEW YORK
 72. NEW YORK
 73. NEW YORK
 74. NEW YORK
 75. NEW YORK
 76. NEW YORK
 77. NEW YORK
 78. NEW YORK
 79. NEW YORK
 80. NEW YORK
 81. NEW YORK
 82. NEW YORK
 83. NEW YORK
 84. NEW YORK
 85. NEW YORK
 86. NEW YORK
 87. NEW YORK
 88. NEW YORK
 89. NEW YORK
 90. NEW YORK
 91. NEW YORK
 92. NEW YORK
 93. NEW YORK
 94. NEW YORK
 95. NEW YORK
 96. NEW YORK
 97. NEW YORK
 98. NEW YORK
 99. NEW YORK
 100. NEW YORK

CLEMENS EPISCOPUS

Seruus Seruorum Dei.

*Vniuersis Christifidelibus salutem,
& Apostolicam Benedictionem,*



NIGENITVS Dei filius pro nostra, & totius Mundi salute filius hominis factus, dum Discipulos suos doctrinâ veritatis instrueret, vniuersamque Ecclesiam suam in Apostolis erudiret, præsentia disposens, & futura prospiciens, præclaro, ac saluberrimo documento Nos admonuit, vt attenderemus à falsis Prophetis, qui veniunt ad Nos in vestimentis Ouium, quorum nomine potissimum demonstrantur Magistri illi mendaces, & in deceptione illusores,

qui splendidâ pietatis specie praua dogmata latenter insinuant, introducunt sectas perditionis sub imagine Sanctitatis; vtque faciliùs incautis obrepant, quasi deponentes lupinam pellem, & sese Diuinæ Legis sententijs, velut quibusdam Ouium velleribus obuoluentes, Sanctarum Scripturarum, adeòque etiam ipsius noui Testamenti verbis, quæ multipliciter in suam; aliorumque perditionem deprauant, nequiter abutuntur: antiqui scilicet, à quo progeniti sunt, mendacij Parentis exemplo, ac magisterio edocti, nullam omninò esse ad fallendum expeditiorem viam, quàm vt vbi nefarij erroris subintroducitur fraudolentia, ibi diuinorum verborum prætendatur auctoritas.

His Nos verè diuinis monitis instructi, vbi primùm, non sine intumescens cordis nostri amaritudine, accepimus, Librum quemdam Gallico idiomate olim impressum, & in plures Tomos distributum, sub titulo == *Le Nouveau Testament en François, avec des reflexions morales sur chaque verset &c. A Paris 1699.*; Aliter verò == *Abbrégé de la morale de l'Evangile, des Actes des Apostres, des Epistres de S. Paul, des Epistres Canoniques, & de l'Apocalypse, ou Pensées Chrétiennes sur le Texte des ces Liures Sacrez &c. A Paris 1693., & 1694.*: tametsi aliàs à Nobis damnatum, ac reuerà Catholicis veritatibus prauarum doctrinarum mendacia multifariam permiscentem, adhuc tamen tanquàm ab omni errore immunem, à pluribus haberi, Christifidelium manibus passim

obtrudi, ac nonnullorum noua semper tentantium consilio, & opera studiosè nimis quaquauersum disseminari, etiam latinè redditum, ut perniciosè institutionis contagium, si fieri possit, pertineat de gente in gentem, & de Regno ad populum alterum: versutis huiusmodi seductionibus, atque fallacijs creditum Nobis Dominicum Gregem in viam perditionis sensim abduci summoperè doluimus: adeoque Pastoralis non minùs curæ nostræ stimulis, quàm frequentibus Orthodoxæ Fidei Zelatorum querelis, maximè verò complurium Venerabilium Fratrum, præsertim Galliæ Episcoporum, literis, ac precibus excitati, gliscenti morbo, qui etiam aliquandò posset in deteriora quæque prouere, validiori aliquo remedio obuiam ire decreuimus.

Et quidem ad ipsam ingruentis mali causam prouidæ nostræ considerationis intuitum conuercentes, perspicuè nouimus summam huiusmodi Libri perniciem idè potissimum progredi, & inualescere, quòd eadem intus lateat, & velut improba sanies, nonnisi secto vlcere foras erumpat; cùm Liber ipse primo aspectu legentes specie quadam pietatis illiciat; molliti enim sunt sermones eius super oleum: sed ipsi sunt iacula, & quidè intentio arcu ita ad nocendum parata, ut sagittent in obscuro rectos corde. Nihil propterea opportunius, aut salubrius præstari à Nobis posse arbitrati sumus, quàm si fallacem Libri doctrinam generatim solummodò à Nobis hætenùs indicatam, pluribus singillarim ex eo excerptis Propositionibus, distinctius, & apertius explicaremus, atque vniuersis Christianis noxia Zizaniorum semina è medio Triticis, quo tegebantur, educta, velut ob oculos exponeremus. Ità nimirum denudatis, & quasi in propatulo positis, non vno quidem, aut altero, sed plurimis, grauissimisque, tum pridè damnatis, tum etiam nouè adiuuentis erroribus, planè confidimus, benedicente Domino, fore ut omnes tandem apertæ iam, manifestæque veritati cedere compellantur.

Id ipsum maximè è re Catholica futurum, & sedandis præsertim in florentissimo Galliæ Regno exortis ingeniorum variè opinantium, iamque in acerbiores scissuras protendentium dissidijs apprimè proficuum: Conscientiarum denique tranquillitati perutile, & propemodum necessarium, non modò præfati Episcopi, sed & ipse in primis Charissimus in Christo Filius noster Ludouicus Francorum Rex Christianissimus, cuius eximium in tuendâ Catholicæ Fidei puritate, extirpandisque erroribus Zelum satis laudare non possumus, sæpius Nobis contestatus; repetitis propterea verè pijs, & Christianissimo Rege dignis officijs, atque ardentibus votis à Nobis efflagitans, ut instanti animarum necessitati prolata quantocius Apostolici censurâ Iudicij consuleremus.

Hinc adspirante Domino, eiusque cœlesti ope confisi, salutare opus sedulo, diligenterque, ut rei magnitudo postulabat, aggressi sumus; ac plurimas ex prædicto Libro; iuxta supra recensitas respectiue editiones, fidelitèr extractas, & tum Gallico, tum Latino idiomate expressas Pro-

positiones à compluribus in Sacra Theologia Magistris , primò quident coram duobus ex Venerabilibus Fratribus nostris Sanctæ Romanæ Ecclesiæ Cardinalibus accuratè discuti : deindè verò coram Nobis , adhibito etiam aliorum plurium Cardinalium consilio , quàm maximà diligentia , ac maturitate , singularum insuper Propositionum cum ipsomet Libri Textu exactissimè facta collatione , pluries iteratis Congregationibus , expendi , & examinari mandauimus . Huiusmodi autem Propositiones sunt , quæ sequuntur , videlicet =

- 1 **Q**uid aliud remanet anima, quæ Deum, atque ipsius gratiam amisit, nisi peccatum , & peccati consecutiones, superba paupertas, & segnīs indigentia, hoc est generalis impotentia ad laborem , ad orationem, & ad omne opus bonum ?
- 2 Iesu Christi gratia, principium efficax boni cuiuscumque generis, necessaria est ad omne opus bonum ; absque illa, non solum nihil fit, sed nec fieri potest .
- 3 In vanum Domine precipis, si tu ipse non das quod precipis .
- 4 Ità Domine ; Omnia possibilia sunt ei , cui omnia possibilia facis, eadem operando in illo .
- 5 Quando Deus non emollit cor per interiorem unctionem gratiæ suæ, exhortationes, & gratiæ exteriores non inseruiunt, nisi ad illud magis obdurandum .
- 6 Discrimen inter Fædus Iudaicum, & Christianum est, quod in illo Deus exigit fugam peccati, & implementum legis à peccatore , relinquendo illum in suâ impotentia : in isto verò Deus Peccatori dat , quod iubet, illum suâ gratiâ purificando .
- 7 Quæ utilitas pro homine in veteri fædere, in quo Deus illum reliquit eius propria infirmitati , imponendo ipsi suam legem ? Quæ verò felicitas non est admitti ad fædus, in quo Deus nobis donat, quod petit à nobis ?
- 8 Nos non pertinemus ad nouum fædus, nisi in quantum participes sumus ipsius nouæ gratiæ, quæ operatur in nobis id, quod Deus nobis precipit .
- 9 Gratiæ Christi est gratia suprema, finè qua confiteri Christum nunquam possumus, & cum qua nunquam illum abnegamus .
- 10 Gratiæ est operatio manus Omnipotentis Dei , quam nihil impedire potest, aut retardare .
- 11 Gratiæ non est aliud, quàm voluntas Omnipotentis Dei, iubentis, & facientis, quod iubet .
- 12 Quando Deus vult saluare animam, quocumque tempore, quocumque loco effectus indubitabilis sequitur voluntatem Dei .
- 13 Quando Deus vult animam saluam facere, & eam tangit interiori gratiæ suæ manu, nulla voluntas humana ei resistit .
- 14 Quantumcumque remotus à salute sit Peccator obstinatus , quando Iesus se ei videndum exhibet lumine salutari suâ gratiæ , oportet, ut se dedat, accurrat, sese humiliet, & adoret Saluatorem suum .
- 15 Quando Deus mandatum suum, & suam æternam locutionem comitatur unctione sui Spiritus, & interiori vi gratiæ suæ, operatur illa in corde obedientiam, quam petis .

- 16 Nulle sunt illecebræ, quæ non cedant illecebris gratiæ, quia nihil resistit Omnipotenti.
- 17 Gratiæ est vox illa Patris, quæ homines interiori docet, ac eos venire facit ad Iesum Christum; quicumque ad eum non venit, postquam audiuit vocem exteriorum Filij, nullatenus est doctus à Patre.
- 18 Semen verbi, quod manus Dei irrigat, semper affert fructum suum.
- 19 Dei gratiæ nihil aliud est, quam eius omnipotens voluntas: hæc est idea, quam Deus ipse Nobis tradidit in omnibus suis Scripturis.
- 20 Vera gratiæ idea est, quod Deus vult sibi à nobis obediri, & obeditur; imperat, & omnia fiunt; loquitur tanquam Dominus, & omnia sibi submissa sunt.
- 21 Gratiæ Iesu Christi est gratiæ fortis, potens, suprema, inuincibilis, utpote quæ est operatio voluntatis Omnipotentis sequela, & imitatio operationis Dei incarnantis, & resuscitantis Filium suum.
- 22 Concordia omnipotentis operationis Dei in corde hominis, cum libero ipsius voluntatis consensu, demonstratur illicò nobis, in Incarnatione, veluti in fonte, atque Archetypo omnium aliarum operationum misericordia, & gratiæ, quæ omnes ita gratuite, atque ita dependentes à Deo sunt, sicut ipsa originalis operatio.
- 23 Deus ipse nobis ideam tradidit omnipotentis operationis suæ gratiæ, eam significans per illam, quæ Creaturas è nihilo producit, & mortuis reddit vitam.
- 24 Iusta idea, quam Centurio habet de Omnipotentia Dei, & Iesu Christi, in sanandis Corporibus solo motu suæ voluntatis, est imago idea, quæ haberi debet de omnipotentia suæ gratiæ in sanandis animabus à cupiditate.
- 25 Deus illuminat animam, & eam sanat aquæ ac corpus sola suæ voluntate, iubet, & ipsi obtemperatur.
- 26 Nulla dantur gratiæ, nisi per Fidem.
- 27 Fides est prima gratiæ, & fons omnium aliarum.
- 28 Prima gratiæ, quam Deus concedit Peccatori, est peccatorum remissio.
- 29 Extra Ecclesiam nulla conceditur gratiæ.
- 30 Omnes, quas Deus vult saluare per Christum, saluantur infallibiliter.
- 31 Desideria Christi semper habent suum effectum; pacem intimo cordium infert, quando eis illam optat.
- 32 Iesus Christus se morti tradidit ad liberandum pro semper suo sanguine Primogenitos, idest Electos, de manu Angeli exterminatoris.
- 33 Pro quantum oportet bonis terrenis, & sibi metipsis renunciasse, ad hoc ut quis fiduciam habeat sibi, ut ita dicam, appropriandi Christum Iesum, eius amorem, mortem, & mysteria, ut facit Sanctus Paulus dicens: Qui dilexit me, & tradidit semetipsum pro me.
- 34 Gratiæ Adami non producebat, nisi merita humana.
- 35 Gratiæ Adami est sequela creationis, & erat debita nature sanæ, & integræ.
- 36 Differentia essentialis inter gratiam Adami, & status innocentie, ac gratiam Christianam est, quod primam unusquisque in propria persona recepit: ista verò non recipitur, nisi in persona Iesu Christi resuscitati, cui nominati sumus.

- 37 *Gratia Adami, sanctificando illum in semetipso, erat illi proportionata: Gratia Christiana nos sanctificando in Iesu Christo, est omnipotens, & digna Filio Dei.*
- 38 *Peccator non est liber, nisi ad malum, sine gratia Liberatoris.*
- 39 *Voluntas, quam gratia non praevenit, nihil habet luminis, nisi ad aberrandum, ardoris, nisi ad se precipitandum, virium, nisi ad se vulnerandum; Est capax omnis mali, & incapax ad omne bonum.*
- 40 *Sine gratia nihil amare possumus, nisi ad nostram condemnationem.*
- 41 *Omnis cognitio Dei, etiam naturalis, etiam in Philosophis Ethnicis, non potest venire, nisi à Deo, & sine gratia non producit, nisi presumptionem, vanitatem, & oppositionem ad ipsum Deum, loco affectuum adorationis, gratitudinis, & amoris.*
- 42 *Sola gratia Christi reddit hominem aptum ad Sacrificium Fidei; sine hoc nihil, nisi impuritas, nihil, nisi indignitas.*
- 43 *Primus effectus gratiae baptismalis est facere, ut moriamur peccato; adeunt spiritus, cor sensus non habeant plus vita pro peccato, quam homo mortuus habeat pro rebus Mundi.*
- 44 *Non sunt, nisi duo amores, unde volitiones, & actiones omnes nostrae nascuntur; Amor Dei, qui omnia agit propter Deum, quemque Deus remuneratur, & Amor, quo nos ipsos, ac Mundum diligimus, qui quod ad Deum referendum est, non refert, & propter hoc ipsum fit malus.*
- 45 *Amore Dei in corde Peccatorum non amplius regnante, necesse est, ut in eo carnalis regnet cupiditas, omnesque actiones eius corrumpat.*
- 46 *Cupiditas, aut Charitas, usum sensuum bonum, vel malum faciunt.*
- 47 *Obedientia legis praestare debet ex fonte; & hic fons est Charitas. Quando Dei amor est illius principium interius, & Dei gloria eius finis, tunc purum est; quod apparet exterius; alioquin non est, nisi hypocrisis, aut falsa iustitia.*
- 48 *Quid aliud esse possumus, nisi tenebrae, nisi aberratio, & nisi peccatum sine Fidei lumine, sine Christo, & sine Charitate.*
- 49 *Ut nullum peccatum est sine amore nostri, ita nullum est opus bonum sine amore Dei.*
- 50 *Frustrà clamamus ad Deum, Pater mi: si spiritus Charitatis non est ille, qui clamas.*
- 51 *Fides iustificat, quando operatur; sed ipsa non operatur, nisi per Charitatem.*
- 52 *Omnia alia salutis media continentur in fide, tanquam in suo germine, & semine; Sed haec fides non est absque amore, & fiducia.*
- 53 *Sola Charitas Christiano modo facit [actiones Christianas] per relationem ad Deum, & Iesum Christum.*
- 54 *Sola Charitas est, quae Deo loquitur, eam solam Deus audit.*
- 55 *Deus non coronat, nisi Charitatem; qui currit ex alio impulsu, & ex alio motivo, in vanum currit.*
- 56 *Deus non remunerat nisi Charitatem, quoniam charitas sola Deum honorat.*
- 57 *Totum deest Peccatori, quando ei deest spes, & non est spes in Deo, ubi non est amor Dei.*
- 58 *Nec Deus est, nec Religio, ubi non est Charitas.*

- 59 *Oratio Impiorum est nouum peccatum , & quod Deus illis concedit, est nouum in eos iudicium .*
- 60 *Si solus supplicij timor animas pœnitentiam , quò hac est magis violenta , eò magis ducit ad desperationem .*
- 61 *Timor nonnisi manum cobibet , cor autem tandiù peccato addicitur , quandiù ab amore iustitie non ducitur .*
- 62 *Qui à malo non abstinere , nisi timore pœna, illud committit in corde suo , & iam est Reus coram Deo .*
- 63 *Baptizatus adhuc est sub lege sicut Iudeus , si legem non adimpleat , aut adimpleat ex solo timore .*
- 64 *Sub maledictio legis , nunquam fit bonum , quia peccatur suè faciendo malum , suè illud non nisi ob timorem euitando .*
- 65 *Moyſes , Prophetæ , Sacerdotes , & Doctores legis mortui sunt, absque eo quod ullum Deo dederint filium, cum non effecerint nisi mancipia per timorem .*
- 66 *Qui vult Deo apropinquare , nec debet ad ipsum venire cum brutalibus passionibus , neque adduci per instinctum naturalem , aut per timorem , sicuti Bestia , sed per fidem , & per amorem sicuti filij .*
- 67 *Timor seruilis non sibi repræsentat Deum , nisi ut Dominum durum , imperiosum , iniustum , intractabilem .*
- 68 *Dei Bonitas abbreviauit viam salutis claudendo totum in Fide, & precibus .*
- 69 *Fides , usus , augmentum , & præmium Fidei , totum est donum puræ liberalitatis Dei .*
- 70 *Nunquam Deus affligit innocentes , & afflictiones semper seruiunt , vel ad puniendum peccatum , vel ad purificandum Peccatorem .*
- 71 *Homo ob sui conseruationem potest se se dispensare ab ea lege , quam Deus condidit propter eius utilitatem .*
- 72 *Nota Ecclesia Christiana est , quod sit Catholica , comprehendens , & omnes Angelos Cæli , & omnes Electos , & iustos terra , & omnium Sæculorum .*
- 73 *Quid est Ecclesia , nisi cætus Filiorum Dei manentium in eius sinu , adoptatorum in Christo , subsistentium in eius persona , redemptorum eius sanguine , viuientium eius spiritu , agentium per eius gratiam , & expectantium gratiam futuri Sæculi .*
- 74 *Ecclesia , suè integer Christus , Incarnatum Verbum habet ut Caput , omnes verò Sanctos ut membra .*
- 75 *Ecclesia est vnus solus homo , compositus ex pluribus membris , quorum Christus est Caput , vita , subsistentia , & persona ; Vnus solus Christus , compositus ex pluribus Sanctis , quorum est Sanctificator .*
- 76 *Nibil spatiosius Ecclesia Dei , quia omnes Electi , & Iusti omnium Sæculorum illam componunt .*
- 77 *Qui non ducit vitam dignam Filio Dei , & membro Christi , cessat interius habere Deum pro Patre , & Christum pro Capite .*
- 78 *Separatur quis à Populo Electo , cuius figura fuit Populus Iudaicus , & Caput est Iesus Christus , tam non viuendo secundum Euangelium , quàm non credendo Euangelio .*

- 79 *Utile, & necessarium est omni tempore, omni loco, & omni personarum generi studere, & cognoscere spiritum, Pietatem, & Myſteria Sacra Scripturae.*
- 80 *Leſſio Sacra Scripturae est pro omnibus.*
- 81 *Obſcuritas Sancta verbi Dei non est Laicis ratio dispensandi se ipsos ab eius leſſione.*
- 82 *Dies Dominicus à Christianis debet sanctificari leſſionibus pietatis, & super omnia Sanctarum Scripturarum. Damnosum est velle Christianum ab hac leſſione retrahere.*
- 83 *Est illuſio ſibi perſuadere, quod notitia Myſteriorum Religionis non debeat communicari faminis, leſſione Sacrorum librorum. Non ex faminarum ſimplicitate, sed ex ſuperba Virorum ſcientia, ortus est ſcripturarum abuſus, & nata ſunt hæreſes.*
- 84 *Abripere è Christianorum manibus nouum Teſtamentum, ſeu eis illud clauſum tenere, auferendo eis modum illud intelligendi, est illis Chriſti os obturare.*
- 85 *Interdicere Christianis leſſionem Sacra Scripturae, præſertim Euangelij, est interdiciere uſum luminis ſilijs lucis, & facere ut patiantur ſpeciem quandam excommunicationis.*
- 86 *Eripere ſimplici Populo hoc ſolatium, iungendi vocem ſuam, voci totius Eccleſiæ, est uſus contrarius praxi Apoſtolicae, & intentioni Dei.*
- 87 *Modus plenus ſapientia, lumine, & Charitate, est dare animabus tempus portandi cum humilitate, & ſentiendi ſtatum peccati, petendi ſpiritum penitentiae, & contritionis, & incipiendi, ad minus, ſatiſfacere iuſtitiae Dei, antequam reconcilientur.*
- 88 *Ignoramus quid ſit peccatum, & vera penitentia, quando volumus ſtatim reſtitui poſſeſſioni bonorum illorum, quibus nos peccatum ſpoliauit, & detrectamus ſeparationis iſtius ferre conſuſionem.*
- 89 *Quartus decimus gradus conuerſionis Peccatoris est, quod, cum ſit iam reconciliatus, habet ius aſſiſtendi Sacrificio Eccleſiæ.*
- 90 *Eccleſia authoritatem excommunicandi habet, ut eam exerceat per primos Paſtores de conſenſu, ſaltem præſumpto, totius Corporis.*
- 91 *Excommunicationis iniuſta metus, nunquam debet nos impedire ab implendo debito noſtro; Nunquam eximus ab Eccleſia, etiam quando hominum nequitia, videmur ab ea expulſi, quando Deo, Ieſu Chriſto, atque ipſi Eccleſiæ per Charitatem affixi ſumus.*
- 92 *Pati potiùs in pace excommunicationem, & anathema iniuſtum, quàm prodere veritatem, est imitari Sanctum Paulum: tantùm abeſt, ut ſit erigere ſe contrà Authoritatem, aut ſcindere unitatem.*
- 93 *Ieſus quandoque ſanat vulnera, quæ præceptis Primorum Paſtorum feſtinatio fraſſigit, ſine ipſius mandato; Ieſus reſtituit, quod ipſi incoſiderato Zelo reſcindunt.*
- 94 *Nihil peiorem de Eccleſia opinionem ingerit eius inimicis, quàm videre illic dominatum exerceri ſupra fidem fidelium, & ſoueri diuiſiones propter res, quæ nec fidem ledunt, nec mores.*
- 95 *Veritates eò deuenerunt, ut ſint lingua quaſi peregrina pleriſque Chriſtianis, & modus eas predicandi est veluti idioma incognitum; adeo remotus est à ſim-*

simplicitate Apostolorum, & supra communem captum fidelium; Neque, satis aduertitur, quod hic defectus sit unum ex signis maximè sensibilibus senectutis Ecclesie, & ira Dei in Filios suos.

- 96 *Deus permittit, ut omnes Potestates sint contrariae Predicatoribus veritatis, ut eius victoria attribui non possit, nisi Divina gratia.*
- 97 *Nimis sæpe contingit membra illa, quæ magis sanctæ, ac magis strictè unitæ Ecclesie sunt, respici, atque tractari tanquam indigna, ut sint in Ecclesia, vel tanquam ab ea separata; sed Iussus vivit ex fide, & non ex opinione hominum.*
- 98 *Status persecutionis, & penarum, quas quis tolerat, tanquam Hæreticus, flagitiosus, & impius, ultima plerumque probatio est, & maximè meritorea, vixit quæ facit hominem magis conformem Iesu Christo.*
- 99 *Peruicacia, præuentio, obstinatio in nolendo, aut aliquid examinare, aut agnoscere se fuisse deceptum, mutant quotidie quoad multos in odorem mortis id, quod Deus in sua Ecclesia posuit, ut in ea esset odor vite, V. G. bonos libros, instructiones, sancta exempla &c.*
- 100 *Tempus deplorabile, quo creditur honorari Deus, persequendo veritatem, eiusque discipulos. Tempus hoc aduenit Haberi, & tractari à Religionis Ministris, tanquam, impium, & indignum omni commercio cum Deo, tanquam membrum putridum, capax corrumpendi omnia in societate Sanctorum, est hominibus pijs morte corporis mors terribilior. Frustrà quis sibi blanditur de suarum intentionum puritate, & Zelo quodam Religionis, persequendo flammâ, ferroque viros probos, si propria passione est excacatus, aut abreptus aliena, propterea quod nihil vult examinare. Frequenter credimus sacrificare Deo Impium, & sacrificamus Diabolo Dei Serum.*
- 101 *Nihil spiritui Dei, & doctrinæ Iesu Christi magis opponitur, quàm communia facere iuramenta in Ecclesia, quia hoc est multiplicare occasiones peierandi, laqueos tendere infirmis, & Idiotis, & efficere, ut nomen, & veritas Dei aliquando deseruiant consilio Impiorum.*

Auditis itaque tum voce, tum scripto Nobis exhibitis præfatorum Cardinalium, aliorumque Theologorum suffragijs, diuini in primis luminis, priuatis ad eum finem, publicisque etiam indictis precibus, implorato præsidio; omnes, & singulas Propositiones præinsertas, tanquam falsas, captiosas, malè sonantes, piarum aurium offensiuas, scandalosas, perniciosas, temerarias, Ecclesie, & eius praxi iniuriosas, neque in Ecclesiam solum, sed etiam in Potestates sæculi contumeliosas, seditiosas, impias, blasphemias, suspectas de hæresi, ac hæresim ipsam sapientes, nec non hæreticis, & hæresibus, ac etiam schismati fauentes, erroneas, hæresi proximas, pluriès damnatas, ad demum etiam hæreticas, variasque hæreses; & potissimum illas, quæ in famosis Iansenij propositionibus, & quidem in eo sensu, in quo hæ damnatæ fuerunt, acceptis, continentur, manifestè innouantes; respectiue, hac nostra perpetuò valitura Constitutione declaramus, damnamus, & reprobamus.

Man-

Mandantes omnibus utriusque sexus Christifidelibus, ne de dictis Propositionibus sentire, docere, prædicare aliter præsumant, quam in hac eadem Nostra Constitutione continetur; ita ut quicumque illas, vel illarum aliquam coniunctim, vel diuissim docuerit, defenderit, ediderit, aut de eis, etiam disputatiuè, publicè, aut priuatim tractauerit, nisi forsan impugnando, Ecclesiasticis censuris, alijsque contra similia perpetrantes à iure statutis pœnis ipso facto, absque alia declaratione subiaceat.

Cæterum per expressam præfatarum Propositionum reprobationem alias in eodem Libro contenta nullatenus approbare intendimus; cum præsertim in decursu examinis complures alias in eo deprehenderimus propositiones illis, quæ, ut supra, damnatæ fuerunt, consimiles, & affines, iisdemque erroribus imbutas; nec sanè pauca sub imaginario quodam, veluti grassantis hodiè persecutionis obtentu, inobedientiam, & peruicaciam nutriendes, easque falso Christianæ patientiæ nomine prædicantes; quas propterea singulatim recensere, & nimis longum esse duximus, & minimè necessarium; ac demùm, quod intolerabilius est, Sacrum ipsum noui Testamenti Textum damnabiliter vitiatum comperimus, & altesì dudùm reprobata versione Gallicæ Montensi in multis conformem: à vulgata verò editione, quæ tot Sæculorum usu in Ecclesia probata est, atque ab Orthodoxis omnibus pro authentica haberi debet, multipliciter discrepantem, & aberrantem, pluriesque in alienos, exóticos, ac sæpè noxios sensus, non sine maxima peruersitate detortum.

Eundem propterea Librum, utpotè per dulces sermones, & benedictiones, ut Apostolus loquitur, hoc est, sub falsa piæ institutionis imagine, seducendis Innocentium cordibus longè accommodatum, siue præmissis, siue alio quouis titulo inscriptum, vbicumque, & quocumque alio idomate, sed quauis editione, aut versione hæcenus impressum, aut in posterum (quod absit) imprimendum, auctoritate Apostolicâ tenore præsentium iterum prohibemus, ac similiter damnamus; quemadmodum etiam alios omnes, & singulos in eius defensionem tam scripto, quàm typis editos, seu forsan (quod Deus auertat) edendos libros, seu libellos, eorumque lectionem, descriptionem, retentionem, & usum omnibus, & singulis Christifidelibus sub pœna excommunicationis per contrasfacientes ipso facto incurrenda, prohibemus pariter, & interdiciamus.

Præcipimus insuper Venerabilibus Fratribus Patriarchis, Archiepiscopis, & Episcopis, alijsque locorum Ordinarijs; necnon hæreticæ prauitatis Inquisitoribus, ut contradictores, & rebelles quoscumque per censuras, & pœnas præfatas, aliaque iuris, & facti remedia, inuocato etiam ad hoc, si opus fuerit, brachij sæcularis auxilio, omninò coerceant, & compellant.

Volumus autem, ut earumdem præsentium transumptis, etiam impressis, manu alicuius Notarij publici subscriptis, & sigillo personæ in dignitate Ec-

te Ecclesiastica constitutæ munitis eadem fides prorsus adhibeatur , quæ ipsis originalibus literis adhiberetur , si forent exhibitæ , vel ostensæ .

Nulli ergò hominum liceat hanc paginam nostræ declarationis , damnationis , mandati , prohibitionis , & interdictionis infringere , vel ei ausu temerario contraire . Si quis autem hoc attentare præsumpserit , indignationem Omnipotentis Dei , ac Beatorum Petri , & Pauli Apostolorum eius se noverit incursurum . Datum Romæ apud Sanctam Mariam Maiorem Anno Incarnationis Dominicæ Millefimo septingentesimo decimo tertio , sexto Idus Septembris , Pontificatus Nostri Anno Decimotertio .

I. Card. Prodatarius.

F. Oliuerius.

Visa de Curia L. Sergardus .

Loco ✕ Plumbi .

Registrata in Secretaria Breuium .

L. Martinettus .

Anno à Natiuitate Domini Nostri Iesu Christi millesimo septingentesimo decimo tertio , Indictione sexta , die verò decima Septembris , Pontificatus Sanctissimi in Christo Patris , & Domini Nostri Domini Clementis Diuina prouidentia Papa XI. Anno decimo tertio supradictæ Literæ Apostolicæ affixæ , & publicatæ fuerunt ad Valuas Ecclesiæ Lateranen. , & Basilicæ Principis Apostolorum , Cancellariæ Apostolicæ , Curia Generalis in Monte Citatorio , in Acie Campi Floræ , ac in alijs locis solitis , & consuetis Vrbis per me. Petrum Romulatum Apostolicum Curforem .

Antonius Placentinus Magister Curforum .





